

Broj: 09-49-1-4364-6/19
Sarajevo, 25.07.2019. godine

Na osnovu člana 70. st. (1) i (3) Zakona o javnim nabavkama („Službeni glasnik BiH“, broj: 39/14), a na prijedlog Komisije za javne nabavke, imenovane Rješenjem, broj: 03-05-1-1494/19 od 13.03.2019. godine, federalna ministrica financija/finansija **d o n o s i**

**Odluku o izboru najpovoljnijeg ponuđača za javnu nabavku usluga –
usluge štampanja federalnih upravnih taksenih maraka-biljega i obrazaca mjenice
za potrebe Federalnog ministarstva financija/finansija**

I

U cilju odabira najpovoljnijeg ponuđača, nakon provedenog otvorenog postupka javne nabavke usluga – usluge štampanja federalnih upravnih taksenih maraka-biljega i obrazaca mjenice za potrebe Federalnog ministarstva financija/finansija, evidencijski broj nabavke: 09-49-1-4364-1/19, broj Obavještenja o nabavci sa portala javnih nabavki: 810-1-2-30-3-10/19 od 14.06.2019. godine, Sažetak Obavještenja o nabavci objavljen u „Službenom glasniku BiH – Oglasnik javne nabavke“, broj: 42/19, Broj Ispravke obavještenja: 810-1-2-30-8-11/19 od 14.06.2019. godine, Ispravka Sažetka obavještenja objavljena u „Službenom glasniku BiH – Oglasnik javne nabavke“, broj: 42/19, kao prihvatljiva ponuda ocijenjena je ponuda ponuđača:

- **BLICDRUK d.o.o. Sarajevo, s ukupnom cijenom ponude za tri (3) godine bez PDV-a u iznosu 119.988,00 KM.**

II

Ponuda ponuđača iz tačke I ove odluke ocijenjena je prihvatljivom, jer ispunjava sve uvjete postavljene Tenderskom dokumentacijom.

III

Za realizaciju ove odluke zadužuje se Sektor za ekonomske, finansijske i zajedničke poslove ovog Ministarstva.

IV

Odluka stupa na snagu danom donošenja i objaviti će se na web stranici Federalnog ministarstva financija/finansija, u skladu sa članom 70. stav (6) Zakona o javnim nabavkama, istovremeno s upućivanjem iste ponuđaču koji je učestvovao u predmetnom postupku javne nabavke.

Obrazloženje

Postupak javne nabavke pokrenut je Odlukom o pokretanju postupka, broj: 09-49-1-4364/19 od 07.06.2019. godine. Javna nabavka provedena je putem otvorenog postupka. Ukupna procijenjena vrijednost nabavke za tri (3) godine iznosila je 120.000,00 KM bez PDV-a i predviđena je Izmijenjenim Planom javnih nabavki za 2019. godinu Ministarstva, broj: 09-14-6-1442-1/19 od 06.06.2019. godine, dio II Usluge, pod rednim brojem 4. – štampanje federalnih upravnih taksenih maraka-biljega i obrazaca mjenice. Predviđeno je zaključivanje okvirnog sporazuma sa jednim ponuđačem na 3 godine. Obavijest o nabavci broj: 810-1-2-30-3-10/19 poslana je na objavu 14.06.2019. godine, te je zajedno sa Tenderskom dokumentacijom, istog dana objavljena na portalu javnih nabavki. Sažetak Obavještenja o nabavci objavljen u „Službenom glasniku BiH – Oglasnik javne nabavke“, broj: 42/19, Broj Ispravke obavještenja: 810-1-2-30-8-11/19 od 14.06.2019. godine, Ispravka Sažetka obavještenja objavljena u „Službenom glasniku BiH – Oglasnik javne nabavke“, broj: 42/19.

Tendersku dokumentaciju preuzelo je 7 privrednih subjekata, a 1 ponuđač dostavio je ponudu u predmetnom postupku nabavke. Ponuda je dostavljena blagovremeno od strane ponuđača BLICDRUK d.o.o. Sarajevo.

Komisija za javne nabavke, imenovana Rješenjem, broj: 03-05-1-1494/19 13.03.2019. godine, izvršila je pregled i evaluaciju pristigle ponude, te konstatirala da je ponuda ponuđača BLICDRUK d.o.o. Sarajevo prihvatljiva za Ugovorni organ. Nakon izvršenog pregleda i evaluacije pristigle ponude, Komisija je dostavila federalnoj ministrici financija/finansija Zapisnik o pregledu i ocjeni ponuda, broj: 09-49-1-4364-5/19 od 23.07.2019. godine zajedno sa Preporukom o izboru najpovoljnijeg ponuđača: BLICDRUK d.o.o. Sarajevo, sa registriranim sjedištem u ul. Čemaluša 8, Sarajevo, ID broj: 4200108780006.

U predmetnom postupku javne nabavke, Ugovorni organ je predvidio provođenje e-aukcije, ali s obzirom da je samo jedna ponuda pristigla, e-aukcija se nije mogla zakazati nego se postupak okončava u skladu s članom 69. Zakona.

U postupku donošenja ove odluke, posebno su cijenjene činjenice, da je Komisija pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno postavljenim uvjetima iz Tenderske dokumentacije. U postupku ocjene provedenog postupka, federalna ministrica nije našla razloge, nepravilnost niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač dostavio je prihvatljivu ponudu u skladu sa uvjetima postavljenim u Tenderskoj dokumentaciji, a koja ujedno odgovara i procijenjenoj vrijednosti nabavke Ugovornog organa.

Uzimajući u obzir naprijed navedeno, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđač koji je učestvovao u postupku nabavke, može izjaviti žalbu Uredu za razmatranje žalbi putem Ugovornog organa - Federalnog ministarstva financija/finansija, u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke. Žalba se podnosi u najmanje 3 (tri) primjerka.

Dostaviti:

1. BLICDRUK d.o.o. Sarajevo
2. U dokumentaciju Komisije
3. Sektoru za ekonomske, finansijske i zajedničke poslove
4. a/a

